

ዲሞባቆሜ ዓይያ ካር

ጾኑሲ ማሊያ ከኤዛ ዲሞባቆሜ ጾኑሲ ከኢቶ ከኤዜህ ባብሎኔ ካኣታ ዋልቁና ዓኣያ ማዒ ዓጮ ዋይህ ዋዶና፤ ኪሪሰቶሴ ሾይንታንዳሂኮ ቤርታ ጭቶ ጭቶ ሌዖ ፓቂዖኮ ላንካሳ ጭቶ ሌዖኮ ጋፒንፃኮ፤ ሃና ማፃኣፔሎኮ ዓኣ ላምዖ ዓይያንህሂ ዲሞባቆሜና ናንጊና ናንጋ ጎዳና ጌሰቴ ጌኤሲኬ፤ ዲሞባቆሜ ዪሁዳይዳ ፒዜ ዋጌ ዋጊህ ፓጩህረና ፑርታ ማዶ ማዶንታያር ማኪ ጌሰቴኔ፤ ናንጊና ናንጋ ጎዳ «ባብሎኔ ዓሳ ዪሁዳ ዴር ሜታሳንዳኔ» ጌይ ዒዛም ከኤዜኔ፤ ዩካፓ ዲሞባቆሜ «ባብሎኔ ዓሳ ዪሁዳ ዓሶፓ ባሼ ጎሚና ማዔያታንቴ ዪሁዳ ዴር ዋይቲ ዔያታ ሜታሳኒ ዳንዳዓይ?» ጌይ ናንጊና ናንጋ ጎዳ ጾኤጩኔ፤ ናንጊና ናንጋ ጎዳ ዲሞባቆሜም፡ «ባብሎኔ ዓሳ ሃጊ ፔ ዋዶና ሜቶ ዔካንዳኔ» ጌይ ማሂ ከኤዜኔ።

ማፃኣፔሎኮ ጋፒንፃ ዓይያይዳ ዲሞባቆሜ ናንጊና ናንጋ ጎዳኮ ቦንቾና ቢታንቶና ዛሎ ጋላታ ሺኢሹ ሺኢጲህ ዛላ ከኤዛያኮ።

ማፃኣፔላ ዲማ ዲማ ዓርቄ ባኮ

ዲሞባቆሜ ፑርቴ ባኮ ዛሎ ጾኑሲ ጾኤጩህና ጾኑሲ ማሂ ማሂያ (1:1—2:4)

ጎሞ ዓሶይዳ ዋጊንቴ ዋጊያ (2:5-20)

ዲሞባቆሜኮ ሺኢጲያ (3:1-19)

1 ናንጊና ናንጋ ጎዳ ፔ ማሊያ ከኤዛ፡ ዲሞባቆሜም ፔጋሲ ዳዌ ቃኣላ ሃካፓ ዴማ ዓኣህኬ፡-

ፒዜ ዋጌ ባይቁህረ ዲሞባቆሜ ዖዬህ

2 ናንጊና ናንጋ ጎዳህዮ! ኔ ማኣዳንዳጉዲ ኑ ዒላታዛ ኔኤኒ ዋይዙዋኣህሂ ዓይዲ ሄለንዳኣናዳይ? «ጌኔ ማዶ ኑ ዑፃ ሚርጌኔ» ጌይ ኑ ዒላታዛ ኔ ኑና ዓውሱዋኣህሂ ዓይዲ ሄለንዳኣናዳይ? 3 ሃያ ቢያ ፑርቶ ባኮ ዓይጋ ኔ ታና ዛጊሳይ? ሃህ ሃይ ሄርቁንቲ ዋይፃ ኑና ሄለኣና ኔ ዘቲ ጌይ ዛዛጋ? ሃኣዛጌ ዲቢ ባይሲንታንታ ሄርቁንቲ ዋርቁህንታ ኑና ማንጌኔ፤ ዛሎና ማርሞና ዔቁባኣ ቤሲ ባኣሴ። 4 ዋጌ ሹሌዔኔ፤ ፒዜ ዋጌ ዋጊህያ ዋቤኔ፤ ዩይ ዋጋ ዋቤህረ ጎሞ ዓሳ ኮኩ ዓሶ ማንጊ ዋኣዪሳኔ።

ናንጊና ናንጋ ጎዳ ማሂ ከኤዜህ

5 ዩካፓ ናንጊና ናንጋ ጎዳ ዴሮም ሂዚ ጌዔኔ፡- «ሂንዳ ዲንሢኮ ኮሮይዳ ዓኣ ሜሌ ዴሮ ዛጉዋቲ፤ ዲንሢኮም ጴዳ ባኮ ቢያ ዲቃቲ ሄርሹዋቲ፤ ያኣኒ ኬኤዘቲያ ጉሙርቃኒ ዲንሢ ዳንዳዑዋ፡ ዲቃሢ ሄርሹሳ ባኣዚ ዲንሢ ዋዶና ታ ማዳንዳኔ። 6 ዓካሪ፡ ዬያቶ ዓሲም ሚጨገቲዋያና ሩኡራያ ማዔ ባብሎኔ ዓሶ ታኣኒ ዲንሢዳ ዔቁሳንዳኔ፤ ዔያታ ዔያቶ ዓጨ ማዒባኣ ዓጮ ቢያ ያሊ ዋልቄና ዓርቃኒ ደማ ደማ ዓጮ ሃንታኔ። 7 ዔያታ ዒጊቹ ዲቃሣያኬ፤ ጊንሣ ሃሣ ዔያታ ፔ ቦንቾ ሌሊ ካፒሳንዳ ዋጌ ኬሳኔ።

8 «ፓራሢ ዔያቶኮ ማኣኪዳፓ ባሽ ሩኡራያኬ፤ ዲሚና ሃንታ ያኣዮይዳፓ ባሽ ዒጊቻያኬ፤ ዔያቶኮ ፓራሢና ያላ ዓሳ ሃኬይዳፓ ሳጋሪ ሙካኔ፤ ዓርቁ ዔኪ ሙዓኒ ዓዳ ኮኦኩጉዲ ባራናኔ።

9 «ዔያቶኮ ያሎ ያላ ዓሳ ቢያ ጌኔ ማዶ ማዳኒ ቤርቲም ጎዓኔ፤ ዔያቶኮ ዓኣፖ ካራ ዓባ ኬሰካ ዛላፓ ዠባርሻ ዠባርጉዲ ሚቻኔ፤ ዔያታ ዲዒ ዔካ ዓሶዋ ማኣሻላጉዲ ቡኩሳኔ። 10 ካኣቶ ዔያታ ቶኦቻኔ፤ ሜሌ ዓጮ ሱኡጎዋ ዔያታ ሚሚኢጫኔ፤ ዋርዲዮ ቤዞ ቢያ ዛጊ ቦሂሢና ሚኢጫኔ፤ ዬያ ዋርዲዮ ቤዞኮ ዑኪሢ ዓጨ ኩሊ ዓሶ ዔያታ ዓርቃኔ። 11 ዩካፓ ቢያ ባኮ ዓልጎ ዠባራጉዲ ዔያታ ፒዲ ዔኪ ዴንዳኔ፤ ዬያታ ዋልቆ ፔኤሲ ያኦሲ ማሂ ዛጋ ዓሳ ዳቢንቲ ዓሲኬ።»

ጊዜ ዋጋ ዋቤሢሮ ዲሞናቆሜ ለሚ ያዩ ያዩያ

12 ናንጊና ናንጋ ጎዳ ማዔ ታ ያኣዛሢዮ! ኔኤኒ ሚናኣፓ ዓርቃያ ዓኣያ፡ ዲማዴያኬ፤ ኔኤኒ ኦና ካፓሢሮ ኦኡኒ ሃይቃዓኬ፡ ኦና ዓኣቻ ካያሢዮ! ኦ ጎሞሮ ዔያታ ኦና ሜታሳንዳጉዲ ባብሎኔ ዓሶ ኦ ዑፃ ዔቁሲ፤ ቢታንቶዋ ዔያቶም ዲንጌሢ ኔናኬ። 13 ዓኣፓ ኔኤኮ ኮሺ ጌኤሺ ማዔሢሮ ፑርታ ባኣዚ ዛጋኒ ኔ ዓኣፖም ኮሽኩዋሴ፤ ኔኤኒያ ፑርታ ባኣዚ ማዳንታኣና ዛጋኒ ኔኤም ጊኢጉዋያኬ፤ ሂዳዮ፡ ሃንሢ ዋይዞ ዲፃ ፑርቶንሢ ዋዲ ኔኤኒ ዚቲ ጌይ ዛጋይ? ፑርቶ ዓሳ ዔያቶይዳፓ ባሽ ኮሺ ማዔ ዓሶ ባይዛኒ ዔቃኣና ዛጊ ኔኤኒ ዚቲ ጋጋዓ?

14 ዓሶ ኔኤኒ ባዞ ሞላሢንታ ሱኡጌባኣ፡ ዳዶና ጎቹንቲ ሃንታ ማዠንቶንታጉዲ ማሃሢ ዓይጎሮዳይ? 15 ባብሎኔ ዓሳ ዴሮ ዓንጊ ኪሪና ሞላሢ ጎይያ ዓርቃኔ፤ ሮኦጮ ማላ ፒራሢ ሱዞና ጎቹ ዔኪ፡ ቡኩሶ ቤዛ ቡኩሳኔ፤ ዬያ ማዲያና ዔያታ ዋዛዲ ዲላሻኔ። 16 ያቶርቁ ዔያታ ናንጋንዳጉዲ ማሃያና ሙዋ ባኣዚ ቢያ ዔያቶም ዴንቁሳሢሮ

1:5 1:5 ዳኪ ማዶ 13:41።

ሮኦጭ ማላ ፒራሢ ሱዞም ዲንጎ ባኣዚ ሺኢሻኔ፥ ዑንጂያ ዔያታ ጩቢሻኔ።

17 ዓካሪ ዬይ ዓሳ ሮኦጭ ማላ ፒራሢ ሱዞ ሃርፒ ሃርፒ፥ ሚጩቢጉባኣያ ኑኡኮ ዴሮ ዔያታ ዎዲ ጋፒሲ ጋፒሲ ናንጋንዳያ ኮይሳ?

2

ናንገና ናንጋ ጎዳ ማሂ ኬኤዜ ባኮ

1 ታኣኒ ዴይ ካፖ ካፓ ቤዛ፥ ኬኤሎ ዲያ ዑፃ ዓኣ ቤዛ ኬሰኪ ዔቃጎዳኔ፤ ዒኢካ ናንገና ናንጋ ጎዳ ታኣም ዎዚ ጌይ ኬኤዛቴያ፥ ታ ሶኦጩፀኮ ዎዚ ጌይ ማሃቴ ዎይዛኒ ካፓንዳኔ።

2 ናንገና ናንጋ ጎዳ ታኣም፡- «ታ ኔኤም ፔጋሲ ዳዎ ባኮ ፃኣፔ፤ ሚታሱዎያ ናባቢንታንዳጉዲ ሳሌዳይዳ ፃኣፔ፤ 3 ዓይጎሮ ጌዔቴ ሃይ ታኣኒ ፔጋሲ ዳዎ ባካ ዳካ ዎዴ ኔጋንዳኔ፤ ዬይ ኬኤዛሢ ማዲንቲ ኩማንዳ ኬሎኬ፤ ሉኡቁዎያኬ፤ ኔጌያ ማዔታቴያ ካፔ፤ ጎኔና ሙካንዳኔ፥ ኔጋዓኬ። 4 ሶቶርቃ ዓሶ ዛጌ፤ ማሊፃ ዔያቶሲ ፒዜቴዎሴ፤ ፂሎ ዓሳ ጋዓንቴ ጉሙርቁሢና ናንጋንዳኔ» ጌዔኔ።

ፑርቶ ዓሳ ሎኦማንዳሢ

5 ጎኔና ቆሎ ሚርጊሢ ዓሲ ጌጌሻኔ፤ ቆሎም ጎጋይቃ ዓሲ ሶቶሮኬ፥ ፔቴ ቤሰካ ሃውሺ ዴዑዎሴ፤ ሃይቢና ዴኡፒና «ታኣም ጊዴኔ» ጌይሢ ዔሩዎኣሢጉዲ ዬይ ዓሳ «ኑኡም ጊዴኔ» ጌይሢ ዔሩዎኣሲ፤ ዬያሮኬ ዔያታ ካኣቶ ሶሊ ዓርቃሢና ዴሮዎ ዲዒ ዔካሢ። 6 ዓሲ ቢያ ዬያጉዴ ዓሶይዳ ቁኤዳና ዓኣቲሢ ዓኣቻያ፡- «ኔኤሮቴዎ ባኮ ቡኩሳሢኦ ኔና ባዴዔ! ዓይሢ ማሂ ዔኪንቴ ባኣዚና ኔኤኒ ኔና ሶርጎቻሢ ዓይዲ ሄላንዳኣናዳይ?» ጋዓንዳኔ።

7 ዒንሢ ዒንሢኮ ጋሌ ዓሲ ማሂ ሚታሳ ዓሳ፥ ዔርቲባኣንቴ ዔቁ ዒንሢጋሌ ዓሲ ማሂ ጎቃይሳንዳኔ፤ ዬያ ሌሊቴዎንቴ ቆሎዎ ዒንሢኮ ዔያታ ቡራንዳኔ። 8 ዒንሢ ሚርጌ ዓሶኮ ቆሎ ቡሬሢሮ ዔያቶይዳፓ ዓቴ ዓሳ ዒንሢኮ ቆሎ ቡራንዳኔ፤ ዬይ ያዲ ማዲንታንዳሢ ዒንሢ ዓሶ ዎዴሢሮ፥ ዓጮንታ ካታሞንታ ዒኢካ ናንጋ ዓሶ ጋፒሲ ዒንሢ ባይዜሢሮኬ። 9 ሚታ ሄሉዎጉዲ ፔኤኮ ናንጎ ቤዛ ዴኔ ዲኮ ቶኣካ ማኣሢና ዎጌባኣ ካራና ዔኤቢ ዔኪ ፔኤኮ ማኣሮ ማኣሢም ባዴዔ! 10 ጌኔ ማሊሢ ማሊ ቱኪ ሚርጌ ዓሲ ዎዴሢና ቦርሲንቴ ኔ ማኣሪ ኔኤኒ ዔኪ ሙኬኔ፤ ናንጎዎ ኔኤኮ ኔኤኒ ሚቶም ኬሲ

1:16 1:16 2ካኣቶ. ማ 24:2። 2:3 2:3 ዔ.ብ. 10:37። 2:4 2:4 ሮሜ 1:17፤ ጋሊ. 3:11፤ ዔ.ብ. 10:38።

ገሠኔ። 11 ሹጮና ማዠ ማእሮኮ ኮጫ ዓኣ ሹጮንታ ሚያና ኮሺንቲ ቱርቱርንታ ዒንሢ ማኪ ገሰታንዳ። 12 ዓሲ ወዲ ካታሞ ማዠ፣ ዳቢንቲናኣ ዳኤፒ ካታማ ማዠ ዓሶ ዒንሢሞ ባዴዔ! 13 ዓሳ ማዳ ባካ ታሚና ሚጫንዳጉዲ፣ ካኣታ ላቢንታ ባኮሞ ዔኤቢ ፓሠሞያ ማዓንዳጉዲ ማዳሢ ቢያ ባኮ ወይሢ ጎዳቱሞዓዳ? 14 ባዚ ዋኣሢና ኩሚያ ማዔ ጎይያ ዓጫ ቢያ ናንገና ናንጋ ጎዳኮ ቦንቾ ዔሪሢና ኩሚያ ማዓንዳ። 15 ዑሢ ካለዴሞ ዛጋኒ ኔ ላጋሢሞ ካፄ ዑሺ ዒንጋሢና ዒዚ ማሢንታንዳያ ሄለንዳኣና ዒዛ ዑሻሢኦ ኔና ባዴዔ! 16 ኔኤኒ ኔ ቶኣኪና ዑሽኪ ማሢንቲ ቱንገንቃንዳ፤ ኔኤያ ቦንቾንቶንዶ ቤዞ ዳውሲንታንዳ፤ ናንገና ናንጋ ጎዳ ዳኤፒ ዳጋ ዑሺ ኔና ዑሻንዳ፤ ቦንቾንቶ ኔኤኮ ዳውሲንቲ ባንሢ ሺርሻንዳ። 17 ሊባኖኦኤ ዲኮይዳ ኔ ማዳ ጌኖ ማዳ ኔና ባይዛንዳ፤ ዒኢካ ናንጋ ቦያ ኔ ወዲ ባይዘሢ ኔና ዲቃሣንዳ፤ ዬይ ያዲ ማዓንዳሢ ዓሲ ኔ ወዴሢሮ፣ ዓጮንታ ካታሞንታ ዒኢካ ናንጋ ባኮሞ ቢያ ኔ ባይዘሢሮኤ። 18 ዓካሪ፣ ሜሌ ያኦዛ ዓይጎ ማኣዳይ? ዬይ ዓሲ ፔ ኩቻ ቃርፂ ኮሽ ባኣዚኤ፤ ሉኡዙሞይዳፓ ዓታዛ ዔያቶይዳፓ ዓይጌና ጳዲሞሴ፤ ሂዳያ ዬያ ቃርፂ ኮሽ ዓሢ ዔኤቢ ጋዓኒ ዳንዳዑሞ ዬያ ሜሌ ያኦዛ ጉሙርቃሢ ዒዛ ዓይጎ ማኣዳሞዛይ? 19 ሚያይዳፓ ዓርሲንቲ ኮሺንቲ ባኮ፡- «ጳጮ!»፣ ሹጮ ቆኦቂ ኮሾናሢያ፡- «ዓቄ!» ጋዓሢኦ ኔና ባዴዔ! ሜሌ ያኦዛ ዓኣሺንቲ ባኣዚ ፔጋሲ ኔኤሞ ዔርዛኒ ዳንዳዓ? ሜሌ ያኦዛ ቢራ ዓንገና ዋርቁና ጳርቁ ኮሾናኦኤ፤ ዑኡሲ ዔካ ሽሞፔ ጋዓንቲ ዔቶኮ ባይያ ባኣሴ።

20 ናንገና ናንጋ ጎዳ ፔኤኮ ዲማዳ ገኤኮ ማኣራ ዓኣ፤ ዬያር ዓጮ ዴራ ቢያ ዒዛ ቤርታ ዚቲኦ ጎዶሞ።

3

ዲሞባቆሜኮ ሺኢጲያ

- 1 ዲሞባቆሜ ዓይኑሞና ያኦሲ ሺኢቁ ሺኢጲያ ያዲ ጋዓያኤ፡-
- 2 ናንገና ናንጋ ጎዳሢኦ! ኔኤኒ ማዳ ዲቃሢ ሄርሺሳ ባኮ ቢያ ታኣኒ ዋይዚ ሚርጌና ዒጊጮኤ፤
- ሃሢ ኑ ወዶና ሚናኣ ማዳ ኔኤኮ ላሚ ማዳ፤
- ቢያ ወዶና ዔርቲ ናንጋንዳጉዲ ማሄ፤
- ኔኤኒ ዳጋዳ ወዶናታያ ሚጫንቲያ ኔኤኮ ኑጊዳፓ ሃኪሲ።

2:14 2:14 ዓሲ. 11:9።

3 ያኦሲ ፔኤኮ ዲማዲያና ቱማኔ ዓጮና
ፓኦራኔ ዲኮናፓ ላሚ ሙካንዳኔ፤

ዴኤፖ ቦንቻ ዒዛኮ ጫሪጎጮ ዓኣቼኔ፤
ጋላታኣ ዒዛሲ ሳፆ ኩሜኔ።

4 ፖዓ ዒዛሲ ዓቢጉዴያኬ፤
ዎልቆ ዒዛኮ ካንቁ ዓኣ ኩጫፓ
ሼኤራ ፖዒ ፖዓኔ።

5 ዎዳ ዶርዓሢ ዒዛኮ ቤርታ ቤርታ ዒ ዳካኔ፤
ሃይቢያ ዒዛሞ ዓይሢንቲ ዒዛ ጊንያ ሙካኔ።

6 ዒዚ ዔቃዛ ሳዓ ዓጊፃኔ፤
ዒዚ ዛጋዛ ሜሌ ዴራ ጎጋይቃኔ፤
ሚናኣፓ ዓኣ ዲካ ዲኢማዲ ዶዓኔ፤

ሚናንካፓ ዓርቃፆ ዒዚ ሃንታ ጌሜራ
ሊካ ዓርዲ ባይቃኔ።

7 ዒቶጲያ ዴራ ሜታዳንቲ
ሚዲያሚ ዓሳ ጎጋይቃንቲ ታ ዛጌኔ።

8 ናንጊና ናንጋ ጎዳሢየ! ኔኤኮ ፓራሢንታ ሳርጌሎ ዶይቶንታ
ባሻንዳጉዲ ኔ ማዴ ዎዶና
ኔኤኮ ዴኤፖ ዳጋ ዎርይዳዳ?
ጊንሣ ሃሣ ባዞይዳ ኔኤኒ ዳጋዲያ?

9 ሂኢዡ ኔኤኮ ኔኤኒ ካቲላፓ ኬሴኔ፤
ዲካኒያ ኔኤኒ ዓኣሣኔ፤
ሳፆ ኔኤኒ ዳርዚ ዎርዚ ማዡኔ።

10 ዲካ ኔና ዛጋፆ ዒጊቹሞና ጎጋይቄኔ፤
ዒሮ ዲጳኣ ሳፆ ፒዒ ዓኣዴኔ፤
ዴኤፖ ባዛ ጉኡሚ ዎይዚንቲኔ፤

ባዞ ጉዳሢያ ለካ ዴግ ዴግ ጌዔኔ።

11 ኔኤኮ ዲከንታ ሂኢዡንታ
ዜኤለንሢሂጉዲ ፖዓ ዎርፆ ፖዒፃፓ ዔቄያና
ዓቦንታ ዓጊኖንታ ዓኣ ቤዛ ዔቄኔ።

12 ሳፆይዳ ኔኤኒ ባይዛ ባኮና ዔቄኔ፤
ኔኤኮ ዳጎና ሜሌ ዴሮ ኔኤኒ ሄርቄኔ።

13 ዴር ኔኤኮ ዓውሳኒ፣ ኔኤኒ ዶኦሚ ካኣታሣ ካኣቲ ዓውሳኒ ኔኤኒ
ኬሰኬኔ፤
ጎሞ ዓሶኮ ሱኡጋሢ ኔኤኒ ሄርቄኔ፤
ዒዛና ዎላ ዓኣ ዓሶ ኔኤኒ ባይዚ ካሎ ኔ ዓይሴኔ።
ቶካፓ ቶኦኮ ሄላንዳኣና ዒዛ ኔኤኒ ካላሴኔ።

- 14 ዓለጎ ገርባሬጉዲ ኑና ለአላኒ ሙኬ
 ለሎ ዓሰኮ ሱኩጋህ ሲዛ ሂኢዦና ኔኔኒ ዱኩኔ።
 ለቤ ቆልሞ ጫሃኒ ዓፃዳ ሰፆጉዲ
 ሲዚ ዓኣሺጎቲ ዓኣ ማንቆንህ ሳይዛኒ ገኢጌኔ።
- 15 ኔኔኒ ኔ ፓራህና ሳዘ ሄርቃኣና
 ዬይ ዴኔፖ ሳዘ ዓዓገፃኔ።
- 16 ዬያ ቢያ ታ ዋይዛኣና ሲና ታኣኮ ዲቃቲኔ፤
 ሙሱራ ታኣኮ ሲዛ ዑኩዘ ዋይዛፆ ጎጋይቃኔ፤
 ሲገቹማ ዴንዲ ታኣኮ ማጌፆ ጋር ጌሌኔ፤

ቶካኣ ታኣኮ ጎጋይቃኔ፤
 ኑና ማታሳ ዴር ዑፃ ማታ ሙካንዲያ ሄላንዳኣና
 ዬና ኩሎ ገቢ ዳንዳዒህና ታኣኒ ካፓንዳኔ።

- 17 ቤሌሶ ማፃ ዋዚ ቡኒባኣያታቲያ
 ዋይና ዑያይዳ ዓኣፒ ባኣያ ማዔቲያ
 ሃሃ ሪሚቶ ማፃኣ ዓኣፒ ባኣታቲያ
 ጎዡ ጋራ ካፃ ሃኣኮ ባይቄያታቲያ
 ማራታ ቢያ ሃይቄ ጋፔታቲያ
 ባርቶ ጋራ ባይ ባኣያታቲያ፤
- 18 ዬይ ቢያ ማዔቲያ ታኣኮ ናንገና ናንጋ ጎዳ ዓኣህር ታ ዋዛዳንዳኔ፤
 ታ ሆኣህህ፣ ታኣኮ ዴኔሻህ ሲህህር ታ ሲላሻንዳኔ።
- 19 ናንገና ናንጋ ጎዳ ማዔ ሆኣህህ ታኣኮ ዋልቃህኩ፤
 ሲዚ ቶኮ ታኣኮ ዋሾ ሹቁሊጉዲ ደዲሻኔ፤
 ሲዚ ታና ዴኮ ዑያይዳ ሃንታንዳጉዲ ማኣዳኔ።

ጌሌዥ ማጻሕፍት
The Holy Bible in the Maale language of Ethiopia,
using Ethiopic script

copyright © 2008 The Word for the World International and The Bible Society of Ethiopia

Language: Maale (Male)

Translation by: The Word for the World

Contributor: Bible Society of Ethiopia

ጌሌዥ ማጻሕፍት

Maale Full Bible

The Word For The World International

Bible Society of Ethiopia

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2023-04-13

PDF generated using Haiola and XeLaTeX on 21 Feb 2024 from source files dated 14 Apr 2023

bbcfb90a-3ae3-5452-983d-6c4c02375929